



09677

馮少墟集卷二十

馮氏家乘

長安馮從吾傳

好輯

萬曆丙午余為余族譜而先世之載多散逸不傳族長老又莫能悉嘗仰天太息曰嗟哉悲乎余小子將安所徵焉祀宋之事孔子傷之為文獻不足故也夫當吾世而使先世之載散逸不傳繼述之謂何於是謀諸伯氏敬吾泉輯家塾所藏

馮少墟集

卷二十

家乘

一

誥勅及志傳諸遺文得僅存者若干篇彙次成帙題曰馮氏家乘爰付殺青公諸族衆庶使後之子孫有所藉以考證云嗚呼嘗見士大夫子孫蕩費者無論即號稱能守者往往經營產業善逐什一之利至問及先世志文曰無有也問及先世試錄曰無有也如此又何論他藏書哉此其人與蕩費何異夫子孫而曰能守亦賢矣豈其智不及此意若曰是皆故紙無用者耳不知子孫之賢不肖正辨於此不專在產業盛衰

間論也嗚呼先大夫歿為時未遠也而今諸籍且多不可攷矧後世乎後之視今亦猶今之視昔百爾後昆凡有所得尚續為增補毋徒以故紙視之重余不肖之罪可也是歲陽月朔日長安馮從吾書

馮氏家乘

誥命

奉

天承運

馮少墟集

卷二十

家乘

二

皇帝制曰國家錫命於臣而必逮其親者所以慰孝子之心而益以勵其忠也爾馮信乃

直隸保定府同知友之父德善之積有聞

於省慶澤所鍾乃在於子宜加茂渥振爾

遺芳茲特贈爾奉政大夫直隸保定府同

知歿而尚有知也其承朕之休命

昔制曰婦人之善不出閨闈而賴子之賢或以

表見於世故人臣之克自砥礪者非以顯

親之故歟爾田氏乃直隸保定府同知馮

友之母為婦有宜家之賢為母有積慶之實宜推褒賚以示寵嘉茲封為太宜人承冠帔之榮衍桑榆之慶

制誥

嘉靖三十一年六月初八日

之寶賚

奉

天承運

皇帝制曰國家設郡守以敷宣德化保育元元

馮少墟集

卷三

家乘

三

任至重也然地大民衆獨理為難故又設庶寮以佐之而必得廉明端謹之人乃克有濟爾直隸保定府同知馮友發跡賢科歷官州守才猷茂著晉貳大邦乃益能持慎秉公贊修政務稽年書績上達予聞特進爾階奉政大夫錫之誥命夫朕懸爵祿以待士惟其稱而已以爾敬事之心而益思懋焉則何階之不可至欽哉

制曰朕憫士大夫之配同艱辛于家食之嘗

而不得同其寵貴也于疏恩之際必追及
焉所以厚人倫之始也直隸保定府同知
馮友妻翟氏得其所歸而乃蚤世夫既有
位爾宜竝榮茲贈為宜人服此明恩永光

志幽安

制曰婦主饋祀位不可虛故室必有繼而國
典亦及焉直隸保定府同知馮友繼妻劉
氏克修婦道以相其夫致能盡心于所職
茲封為宜人式昭中閭之榮用為有家者

馮少墟集

卷二十

家乘

四

勸

制誥

嘉靖三十一年六月初八日

之寶

志銘傳表

明誥贈奉政大夫直隸保定府同知誠菴

馮公配封太宜人田氏合葬墓誌銘

賜進士第嘉議大夫都察院右副都御史奉

勅巡撫遼東兼贊理軍務西京許宗魯撰

嘉靖乙未五月二十六日贈保定府同知誠菴馮公卒距生景泰辛未二月三日壽八十五越甲寅六月十六日厥配封太宜人田氏卒距生天順甲申六月廿六日壽九十又一卒之再暮丙辰十一月十七日合葬于長安城西南隅木塔里之新塋公故長安人也諱信字汝實祖泰父海母康氏實生公焉公少慷慨有志向然以營業事親弗克就學比長欲知古今事跡日延博識之士聽其評話

馮少墟集

卷二十

家乘

五

至廢所業有弗恤里人多謂之公曰吾少失學不能知古人所爲茲得聞古今興衰理亂忠孝節義亦長識補拙之一助也雖妨其業所得不旣多乎聞者皆服其好學自是若事親交友處已待人率以所聞者見之行事質直以範鄉勤儉以教族節飲以保生居易以俟命鄉人爲之語曰誠菴公可謂不負其名號矣其配太宜人者咸寧田翁駿之女也賦性凝重初適公時百事微促太宜人以勤儉

相之而家無闕事姑性嚴厲太宜人以孝順承之而婦道用光鞠育子女以長以教使之各有成立而母儀咸至且晚從官所勉子克服官箴而大有聲譽可謂賢也已有子三長在次守皆守恒業在娶高氏生子曰江其妻則李氏通政公之孫女也守娶馬氏生子曰准其妻則師氏知府公之孫女也最少者友生卽靈悟公教之學嘉靖癸未得遊邑庠甲午中式鄉試就教屯留行取岢嵐旣以治平

馮少墟集

卷二十

家乘

六

移守于忻尋遷保定同知三載考績得贈公如其官母爲太宜人鄉人榮之謂公母累善之報也友娶翟氏繼劉氏通判公之女也生子省吾幼尚未字女三一適盛經一適張祿一適馬鸞孫女二一適柴應祥叅政公之姪也一適崔以仁後衛百戶也曾孫三曰重孫曰年孫曰舉孫俱幼也亦可謂蕃衍矣嗚呼公與宜人獲壽于天食報于子謂非積善餘慶能然乎爰著銘詞以範末俗銘曰慥慥先

民素履孔純去華敦冒不滯本真頎頎碩人
克相其君仰鸞之配德耀之隣履善不數嘉
慶乃集鼎養綸褒載赫載奕偕臻上壽載續
其肖福善有訓展執弗謬城之允隅靈氣所
儲有美茲丘二老止且

馮封君傳

賜進士及第翰林院

國史編修文補郎年家晚生會稽陶望齡著

司馬遷言河華之間其民有先王遺風好稼

馮少墟集

卷二十

家乘

七

穡殖五穀地重重為邪迨漢都四方輻輳日

以玩巧然班固盛推西京綬冕冠蓋為英俊

之域雖去質漸遠其文物都麗軼于往古矣

明興關陝在西服去京師遙漢唐佳麗華巧之

習百千年餘崩滅蕩盡瓊瑤之後復還于樸

然賢雋淳發博雅方聞君子接起其地視諸

郡國特盛焉蓋有岐邠豐鎬淳固之舊而加

以漢氏之文采故關以西文質之美莫備于

茲世長安馮封君者諱信字汝實號誠菴以

子友貴封爲保定府同知封君少貧躬作務
以養父母于學弗暇也願喜聞書中語每遇
人言古今興亡大概及忠孝節廉之事聽之
忘疲或竟廢日失業有誦之者公謂曰吾不
幸少賤未嘗得讀書知義理今聞古人言吾
耳新心孔爲開竊自幸所獲厚矣諸君願爲
我虞耶然公聞已輒能試之踐履名行日有
稱人謂馮公耳讀勝人以口誦也公有子三
人而保定公最少遂貴顯所至樹吏績至其

馮少墟集

卷二十

家乘

八

孫從吾讀中秘書起爲名御史益張大之其
好古嗜學之報於夫先王之隆也其田野隱
居有士君子之雅風其士君子無失田野隱
居之意迨其衰也稼穡化而玩巧况紱冕冠
蓋之儔乎馮封君隱田間願心嗜傳籍可謂
士君子之尚矣再傳益榮顯而質行愈茂以
予觀吾友仲好瞿然山澤士也豈非公之詒
哉公春秋八十五乃卒配田夫人九十加一
焉其生景泰天順歷成弘正嘉之間雖周世

太王王季文武之烈茂以加矣其壽考龐固
有繇也夫

明誥贈奉政大夫直隸保定府同知誠菴
馮公配封太宜人田氏合葬墓表

賜同進士出身嘉議大夫刑部左侍郎前都察
院協理院事左僉都御史寧陵呂坤謨
呂子曰儒者之道先根器而後問學賤空譚
而貴實體夫苟真信真行卽一知半解受用
終身不則破萬卷窮五車直書肆耳奚貴多

馮少虛集

卷二十

家乘

九

堯服堯言未必真堯乃徐行後長者稱堯舜
奚事冠履裳衣聲容笑貌扒余讀許少華誌
銘及陶石簣所爲傳乃知誠菴馮公爲真儒
云公名信字汝實少貧孝弟力田欲讀書弗
能顧愛讀書者比長好親儒論說古人言行
至廢農弗治不知疲有誚之者曰士老于詩
書猶然爾我子道聽何爲公曰忠孝節義無
若古人我失學倘聞長者一二語藉以成身
所得不旣多乎自是體認所聞砥礪刻苦事

親孝交友信處已約待人恕以勤儉教家以節慎保身居然學校中人一時學校士亦相與推重謂弗及云封太宜人田氏者與公匹德公家故粟布宜人至日益饒姑性嚴難事宜人曰我事當無難期年後終身如母子生子三長在次守皆業怕產寂少者名友生而了慧公命之學曰吾弗學不入士林幸與學者學不見棄于士林爾其學哉友下帷發憤嘉靖甲午舉于鄉明年乙未公不待祿養矣

馮少墟集

卷二十

家乘

十

卒年八十有五友曰幸有母在今不及五斗湏萬鍾何時乃乞羶教授屯留陞岢嵐守以望調忻皆寂績陞保定府同知三載署上上考贈公如其官友四仕太宜人皆就養有崔母盧氏風友所至著聲稱號名宦則贈公之身範宜人之母訓也友之子從吾少無俗韻自家塾日不爲章句學登萬曆己丑焦竑榜進士選授翰吉拜監察御史在諫院數上疏繩愆指佞語皆切直一時號名侍御當事者

銜之遂削籍歸而講心性學關以西齋應景
隨從游者幾千人監司慕其風尚為建關中
書院以容之其講習指要惟重躬行曰致知
者力行之指南也致知不力行如跛僧談相
輪徒知何益吾先大父贈公重躬行常語先
子云學者學其所行也吾學足以供吾行而
行不及吾耻之予小子惟祖武是繩豈敢墮
墜吁嗟乎侍御之克自無論已余獨羨贈公
學脉貽謀之遠也昔泰州根器卓絕悟心學

馮少墟集

卷二

家乘

二

於鹽場遂為姚江高弟至其子若孫無聞焉
無亦學樂之說不可繼與夫樂養盛自致者
也說由時習自得由於深造孔子忘憂由于
忘食樂如之何可學侍御之學贈公之學也
其曰喜怒哀樂中節子臣弟友盡道非戒慎
恐懼不可茲砥礪刻苦之心傳乎余平日以
憂勤惕勵自鞭策顧躬行每不逮常親炙侍
御而向往之因知淵源家學自贈公始余故
表諸墓門以誌同志若世系之詳則兩世志

銘備矣

明奉政大夫直隸保定府同知兗泉馮公

墓誌銘

賜進士第大中大夫貴州布政使司左叅政奉
勅督理大造版籍咸寧曹韓譔其資

馮公名友字益卿別號兗泉長安人也三世
祖泰生海海生信配田氏生公兄弟三公穎
敏雅重童稚時不與群兒戲父命之學卽苦
心極力爲之家貧不能購書藉錄誦讀日不

馮少墟集

卷二十

家乘

十二

出戶夜或達旦忘其寢果以文進庠生嘉靖
甲午舉於鄉試禮闈不第父卒終制再試復
不第乃就屯留學諭屯留故山邑人不知學
不能舉科第公日爲講授經義教之作文亦
自作以爲式又食於考時周其貧乏不惟束
脩之餽卻之而已學規嚴整諸生俛首聽命
無敢喧譁素奇李尚智李之茂馮典期必中
庚子聘浙江主試事留賀幣於王司訓已而
三生果皆中式自是科不乏人發解登進士

非復曩日屯留矣公作人之功豈小小哉壬寅行取晉岢嵐知州州近邊數被剽掠歲且大侵公省刑薄歛一切處以寬簡民德之有投白金報謝者卽怒詈斥去衛軍擾民悉繩以法曲處脩築城池堅實壯固岢嵐百世之利也民興青天之謠播諸當道會忻州彫敝一年三易其守衆議非公不可治乃調守忻州岢嵐之民攀轅卧轍不能留爭畫像以祀之公守忻州政尚嚴明立婚喪論財尚靡之

馮少墟集

卷二十

家乘

十三

禁申賭博崇奉異端之條始治一豪民而二豪肆惡十餘年莫敢誰何者一夕携家竄匿里人至釀酒相賀民俗健訟者罰粟以示戒相襲不納官糧則峻法追徵無敢後期王府占種民田悉令還之仍按籍徵租稅以充民之適賦人不敢撓公亦無所畏監司行部者嘆獎充爲曾翁二都御史所重延諮邊計委以募商飛輓繕修邊垣有大功績薦於

朝

上賜金幣加食四品俸尋陞保定府同知考績

受

命五十六日卒

誥命贈其父奉政大夫如公官母封太宜人公
職任清軍乃立保甲建墩臺以禦響馬攝行
府事猶多幹濟吏不得為奸鄰郡訟不能決
者率取決於公邊情重大委公覈勘一時賢
聲甲於畿內薦剡省上前後凡有十三指日
擢無疑矣值有事迂元宰御史按郡國者希
宰意遂中以萑菲之言先是公以母老屢疏

馮少墟集

卷二十

家乘

十四

乞終養不許至是欣然奉母歸曰吾志遂矣
甲寅母卒癸視父愈厚以為吾力可能也三
年之喪畢卜築別業課農訓子或坐茂樹下
登所作望山樓縱飲嘯傲時製新聲小令以
自娛張筵款客情禮曲盡晚年益豪放洒落
黔髮雄步人以為百歲可期也遽耳後生一
瘡初不以為意猶庄居及漸長入城治之輒
不愈五六日卒矣時乙丑五月廿三日也距

生正德丁卯正月十五日享年五十九嗟嗟

傷哉公少貧苦學以得官尤能以廉介自持
故居盡與二兄撫其子女爲之嫁娶不言費
斯人所難能也元配翟氏處士紳之女贈宜
顯人繼劉氏通判壘之女封宜人長子敬吾庠
生取楊氏大尹楊公虞泉女仲從吾季養吾
俱幼孫男一曰元哲敬吾自狀公行乞銘於
余卜以卒之明年十二月十有六日葬公城
南木塔里從親兆也兆創建於公門堂華整
封植宏固余習知公爲孝子銘曰位不滿德

馮少墟集

卷二十

家乘

五

壽僅耆年物理盤恒天道之愆家以公振父
以公貴有子有孫玉麟丹桂不盡者福不朽
者名貽之萬禩逝矣如生佳兆城南二親中
厝左侍以昭大夫之墓

馮大夫傳

賜進士及第翰林院修撰承務郎年家晚生焦

竑著

馮大夫名友字益卿長安人官至奉政大夫
學者稱兌泉先生童穉入鄉塾雅知自重不

為群兒嬉家貧不能購書手寫誦讀日夜不
少休時已知種學績業嶄嶄自樹矣弱冠遊
膠庠每試輒詘其曹嘉靖甲午舉鄉試一再
上禮闈不第嘆曰母老矣椎牛不如雞豚之
逮存何言詘乎乃就屯留學諭屯留遠在山
中人不知學大夫日為指授經義與作文法
度亦時自作以為程束脩問餽卻不納一時
諸生俛首聽命無敢誼譁者素許李尚智李
之茂馮典三人之為文庚子之浙江典試留

馮少墟集

卷二十

家乘

六

幣為賀已而三生皆得雋自是發解登進士
者項臂相望非曩時比矣壬寅晉岢嵐州知
州州苦虜數被創歲且大侵大夫省刑薄征
一切居之以寬民德之衛卒擾民者悉繩以
灋又念城墉濠塹為扼虜之要殫其心計且
築且濬益財無冗浮役無罷病而井井章章
垂百世規者大夫力也會忻州彫敝一歲三
易守衆議非大夫不可乃調守忻州士民欲
留之不得爭畫像祀之至忻知非岢嵐比為

嚴立科條督之婚喪不時者禁賭博奉左道者禁諸情竄頽廢爲之一新一豪民飢法痛懲之無貸時有兩人肆惡十餘年莫能問一夕各携弩以竄里人至釃酒相賀云土風善訟稅糧不時入又藩封闌奪民田歲額爲損至此獄訟衰減逋賦日完民間去田復還監司行部者才大夫藉藉不容口曾翁兩中丞尤重之咨詢邊計屬以募商飛輓繕修垣墻有功薦於

朝

馮少墟集

卷二

家乘

上嘉之賜金幣加四品俸尋晉丞保定丞職清

軍乃立保甲增墩臺令剽掠者不得騁攝郡

事入手輒辦吏胥不敢仰視鄰郡獄不能決

者率歸大夫廉幹之聲最畿輔薦剡且十有

三上願以事忤元宰御史按郡國者希宰意

中以萋菲之言先是大夫念母老屢乞終養

不能得至是忻然奉母歸曰吾志遂矣方大

夫登賢書父信八十有一未逮祿而劾意嘗

恨之故謂銓為奉母計非其好也是時母田
春秋逾七十大夫以板輿迎養徘徊邸舍者
十六年視大夫歸榮故鄉尚白首亡恙鄉人
嘖嘖稱嘆以為非孝感莫能致也巖居築別
墅課農訓子或坐茂樹或登所作望山樓縱
飲嘯傲時製新聲自娛晚年喜客彌甚張筵
談笑意氣霞舉人皆謂壽徵乃僅僅六十而
卒惜哉大夫少貧苦得官願以廉自持故居
盡推與二兄撫其子女為之嫁娶其篤倫敘

馮少墟集

卷二十

家乘

六

理大較如此元配贈宜人翟氏繼宜人劉氏
皆有賢行劉孝事嚴姑若養前婦之父母撫
側室之子息人尤以為難其能儷美比德岳
裕後昆有以也夫史氏曰大夫二子長敬吾
仲從吾以文行著余舉進士與仲同年又同
讀書中秘把臂論文間及世德涕未嘗不滂
淫下也蓋大夫逝仲子九歲劉宜人逝十三
歲耳長時羸病纏綿成立未卜迨今游館閣
為名御史矣而又不逮以祿養如大夫時第

思以文字不朽其親亦足悲已嗟乎立身揚
名於孝斯大仲子方存乎圖大何拳拳風木
之恨乎余觀仲子之悲且以自悲因為傳次
以慰之并以示之人人焉

奉政大夫同知保定府事馮公墓表

賜進士出身嘉議大夫浙江山西按察司按察

使前秦

勅督學陝西按察司副使翰林院

國史修撰官南新市李維楨撰

馮少墟集

卷二十一

家乘

十九

三秦多豪傑士明興言為文章行為裘綴于

天下自呂文簡而後何寥寥也今乃有長安

馮侍御仲好仲好之學蓋得之其父郡丞公

公弱不好弄獨好學家貧無所得書乞諸其

鄰手錄之口誦心唯有不解至忘寢食羸滕

履屨負笈擔囊辨正于師友而後已弱冠為

邑諸生諸生問難響答因就常忠武祠為塾

以教授邑人唐文襄公督學于秦士鮮所當

意最器公嘉靖甲午以詩舉于鄉明年

勸父之不待養也號哭不欲生嗜菽飲水而
深墨杖而後起戊戌再上春官不第念母老
矣不及以三釜養父又何可失于母乃謁選
人除山西屯留教諭屯留人學無師承公教
之如爲諸生時而以澹泊馴謹身示之範得
高第弟子李尚智李之茂馮典三人歲庚子
公典越試留三幣于其僚王君所曰三人者
必第是所以志也屯留士不第可數十年其
年八試才六人人竊笑爲妄已而三人皆第

馮少墟集

卷二十

家乘

三

三晋人傳爲神二李後卒爲聞人屯留自是
士輩出矣會有令徵諸博士高等試之置臺
省公將母還秦比入都後期除知岢嵐州人
度公或有介于懷公顧色喜吾位下大夫祿
不薄且秦晋婚媾之國也母就養便遑顧其
他岢嵐故被邊虜數爲寇歲比不登公相高
下視肥磽序五種省農功占祿兆謹蓄菽使
僕力而寡能養六畜間樹藝脩憲命勸教化
趨孝弟使安處而樂鄉審百工禁淫靡辨功

苦尚完利使足用而物不屈備採清易道路
平室律濬池墮增城堞遠斥候明守望使賓
旅安而武略振邊規知我有備不敢犯諸臺
以崑崙不足盡公才移之守忻忻一歲三易
守宗人別封忻者圍奪民田宅民好爭訟而
逋租庸公治體則尚嚴賞不私親近罰不諱
強大莅政有頃宗人歛手戒無犯馮公訟師
一夕徙其家去左道惑民者罰無赦羣飲攤
錢戲者罰無赦婚喪不以時不以禮者罰無

馮少墟集

卷二十

家乘

廿

赦訟簡賦平考課為諸邊冠首所募商輸粟
塞下及繕治諸當路塞樓櫓甲兵甚設中丞
上其功賜金幣加秩俸一等尋擢同知保定
府保定京師股肱郡俗有燕趙俠烈風而善
騎射者往往椎埋鈔掠為行李患公設五溝
五涂而樹之林以為阻固道旁控柅櫛比候
人各掌其方聚櫟之柏翔者詰之橫行者徑
踰者以兵趨者禁之晝三巡之以星分夜以
詔夜禁三爨以號戒巡如其晝步里相望盜

無所容三載考最以其官贈父封母為太宜人公奉筭笳帔裳以進而太宜人年九十矣遂上書兩臺請歸養問寢膳啓居不離左右朔望則肅衣冠拜床下以為常有二女兄惟季在無恙母所憐愛俸入必白母母曰老婦持此安歸曰然則乞季姊乎母為喜如餐母沒而養季姊終其身先世遺居以居二兄而更為其子女婚姻其孝友大致如此少學顏魯公書以其書書宋儒講學語若理學詩曰

馮少墟集

卷二十

家乘

三

此純綿裏鐵正人君子之道也詩長五言律仲好裝潢而剗剔之以傳仲好名從吾其兄名敬吾以明經貢皆不佞所識拔也公名友字益卿別號兌泉年五十有九葬城南木塔里其生率月日世系配偶子女婚嫁具仲好譜傳中不佞見今之儒者學曾未如肱贅則具然欲為人師嚴然而好說猶偃巫跛匡大自以為有知授之以政不達民多偽態書多稠濁此其故矣馮公執一無失行微無怠南

面臨官大城而公治之養之無擾于時愛之
無寬于刑吏習而民安俗儒能辨此乎孝弟
生人庸行而先王至德要道也公篤行孝弟
聞然自修仕亦如是不與徒衆不白名聲不
博光輝雖曰未學吾必謂之已學矣仲好他
日俎豆于馨宗則有不先父食之禮在程响
朱松其入也不佞表公墓門之石以詔後之
學者俾論世尚友云爾

明誥封宜人劉氏墓誌銘

卷二十

家乘

三

賜進士第奉訓大夫戶部雲南司員外郎奉

勅督理糧儲兼管通惠河事務源雍李汝蘭撰

宜人故保定府同知允泉馮公配也往隆慶

己巳十二月十八日卒卜今壬申閏二月四

日啓兌泉公壙合葬焉子敬吾自爲狀乞予

銘按宜人姓劉氏上世宜川人始祖孝先洪

武間從戎西安前衛因家焉祖俊贈兵部主

事父璽號一軒弘治乙卯鄉貢士任河南衛

輝府通判伯父琰成化丁酉鄉貢士任河南

新鄉尹叔父琛弘治壬戌進士歷官山西按察司僉事有司建三坊於門闕中稱世科必曰三牌坊劉家云一軒公再配張氏贈戶部郎中傑女也嘉靖甲申七月五日生宜人甫三歲喪母卽知哀慕長事繼母邢甚孝邢生二弟復相友愛一軒公異之會舅憲副公環行守潞安謂一軒公曰是女非凡慎勿以凡兒配戊戌兌泉公喪前配翟氏母田太宜人爲擇繼室遂婚焉旣歸奉侍太宜人色養備

馮少墟集

卷二十

家乘

廿四

至太宜人性嚴厲寡言笑然以宜人故居常煦煦如也比臨終執宜人手連呼曰我孝婦我孝婦云兌泉公以嘉靖甲午鄉貢士累試春闈不第乃就職屯留學諭己陞岢嵐知州尋調忻州己又陞直隸保定府同知公所至政聲丕著士庶永思語在大叅似泉曹公誌中今狀云宜人與公周旋仕途者殆二十年乃知勸助之功隱哉溥矣兌泉公任保定時

三載考績

朝廷封贈其父母與妻宜人乃顯被優典天實佑之矣兌泉公致政歸翟氏父母尚存貧且甚宜人衣食之終其身仍禮葬焉乙卯關中地震壞翟宜人主宜人亟重作之時躬為奠祀兌泉公多副室宜人咸加體愛李氏者生季子養吾不幸而夭宜人悼惜之且慰解李氏者再四兌泉公卒敬吾兄弟哀毀骨立宜人召前泣且謂曰爾父沒吾豈不能效烈婦者為顧以爾輩在其其成立即爾父瞑目矣

馮少墟集

卷二十

家祭

廿五

踰哀奚益焉乃自理中外事晝夜督二子學已為長男敬吾娶大城尹虞泉楊公泉女楊氏亡宜人撫其孫元吉再娶楊氏今復亡遺女一尚幼為次男從吾聘樂至尹西塘趙公三省女二子皆充庠生博識礪行相率取科第裕如也凡此雖丈夫者猶或難焉乃宜人能若是其視菜婦鴻妻之曲謹細行果孰多哉夫以宜人之賢卽壽躋者願君子猶且少之計沒之年僅四十有六耳嗟乎悲哉此其

理莫可究竟矣李子曰古婦人無誌然予讀
碩人之詩非所以贊治勵俗耶顧劉宜人者
容可弗誌哉故予采其行實之六者謹著如
此云至其紀述未盡者則自有敬吾狀可考
敬吾舊名省吾今更此予故申之觀者鑒哉
銘曰於維淑媛毓秀名門匪學而慧匪爵而
尊壽筭靡延令德彌敦旣慶多男亦育爾孫
瞻彼城南瞻瞻周原佖局暫啓豐壠長存天

昌厥後

馮少墟集

卷二

家乘

共

帝錫重恩光昭遺訓永慰幽魂

贊

兌泉先生像贊

此吾黨先進馮郡丞兌泉先生小像也先
生捐館舍有年矣履若行語在焦太史傳
其中子侍御君從吾奉此遺像于室伏臘
祭斯夕故事如存不少懈歲前悽然就余問
贊闡前美示後昆永孝思也余固夙重其

人敬題三十二字于卷首如此若謂形容

有道氣象竊愧未能萬一焉萬曆癸卯新
正穀旦江關倦客周宇謹識
金玉純資河山秀氣衍夏文學希濂光霽通
籍良臣閒居樂事士仰前修儒開後裔
名宦鄉賢志傳公移

山西屯留縣志

馮友長安人嘉靖十七年以舉人任典浙江
文衡造士有方從此科甲甚盛是以績底行
取歷陞保定府同知

馮少墟集

卷二十

家乘

七

山西忻州志

馮友陝西長安人舉人嘉靖二十五年任剛
毅能幹政尤恤民陞保定府同知民至今思
之

山西太原府志

馮友長安人舉人嘉靖間知岢嵐州嵐被虜
數寇歲比不登友相高下視肥磽省農功謹
畜藏又教化勸率使趨孝弟以治最移守忻
州斬一歲三易守友治體稍嚴強宗斂手訟

師一夕徙去中丞上其功賜金幣加秩俸
等尋擢同知保定

直隸保定府志

馮友陝西西安府人由舉人嘉靖間任府同
知儀度魁偉才力充贍歷任三載綽有政聲

湖山西屯留縣名宦公移

山西潞安府屯留縣為公舉異常教職入祀
名宦事准本縣儒學牒呈據闔學生員孫敬
祖孫光先霍應鵬程行道等連名呈稱遵奉

馮少墟集

卷二十

家乘

廿

學政一欵凡崇祀鄉賢名宦須年久論定公

議僉同備開某事某事覈實呈請竊照本縣

儒學遠年有教諭馮友係陝西西安府長安

縣人由舉人嘉靖十七年到任二十一年行

取遯其去任業已七八十年料其蓋棺或者

四五十載屯之人士追思本官學能師世化

溥作人文章兩漢之間最稱爾雅人物三代

以上卓有典刑較藝談經定優劣明要旨益

堅立雪之成規濟苦恤貧助婚喪賑乏絕屢

蒙觀風之薦剡禮義範俗清介維風當文運
之久衰以振起為已任卒之留吁率作一榜
果十三人至浙省掄材一門聯捷四士卽今
小邑之多人傑皆賴本官之破天荒也顧
徵召于朝不阿求而萌夤緣之念卽推陞于府
乃安命而無怨尤之心蓋自

國初以來獨擅異品而在嘉隆之際鮮儷名賢
令德令聞愈久愈著一本宦筮仕屯庠修理
齋舍日夜誦讀于中期中高第且門庭森嚴
馮少墟集

卷二

家乘

七

有事惟一老家人傳說門斗不得擅自出入
其清修有如此一本宦月考每月一次閱卷
畢在縣西門外公署發落一等二等縣上討
紙給賞鼓吹迎至文廟三等賞罰無四等朴
責一二示戒會課每月六會每會會長批評
畢呈堂親閱次序領回其考校有如此一本
宦屢試生員李尚智李之茂馮典常居一二
不出四五人外苦于饜殮不給每每周濟號
舍讀書晝夜伺察庚子科三人應試本宦因

浙江取考預置牌扁三面彩旗三杆揭曉後
三人果中其家人遂將旗牌迎至各門後尚智
官至都御史之茂官至御史過本宦家鄉俱
厚奠哭拜其知感有如此一本宦見有志讀
命書生員苗啓東周自西等值婚喪不能自舉
雖官况蕭然量行周濟後皆成立其周恤有
如此一本宦遇朔望升堂掣籤講書及子史
于不明者而發明之諸生喜于請益無不到
者視世之升堂畫卯虛應故事者遠矣其模
馮少墟集

卷二十

家乘

三

範有如此一本宦遇

按臺宗師行縣視學講書見諸生作揖站立
班次前後左右一一相對周旋動容中禮且
講書詳明迴院之後遂下檄優獎復

命首薦其獲上有如此一本宦每遇上司差委

署印一一力辭束脩不責最貧者免之其輕

利有如此一本宦行取到京值賄賂甚行本

宦耻于折節曰吾寧不得兩衙門之官不爲

此阿容之事竟陞保定府同知其節操有如

此茲遇

宗師按臨旌賢崇德勵俗持風特准入祀等情具呈到學准此覆查相同仍取具本學官更師生各不扶甘結等緣由具呈到縣准此案照先蒙

欽差提督學校山西等處提刑按察司副使王發下條約為學政事款開一嚴典禮凡崇祀鄉賢名宦須年久論定公議僉同備開某事某事覈實呈府覆查詳道等因蒙此已經

馮少墟集

卷二十

家乘

世

遵守去後今據前因惟恐不的覆勘無異該本縣知縣藺看得原任本縣儒學教諭馮友課士如子文章萬斛珠幾提躬若銅貞介一泓澗冽輕財重義百年猶慕鱸堂袂旨明宗三晉今竊虎坐矧自行山至武林兩地桃李滿門卽由覺序及黃堂一盤首宿映日蓋樹規于立雪之後而行緒乎良知之支者也

其由申詳

本府轉呈

欽差提督學校山西等處提刑按察司副使王
批據本府呈前事蒙批據申馮公學行允
可嘉尚而祀典甚重務須核實仰府查確報
批行

本府牌仰本縣官吏照牌備蒙批呈內事理
卽查馮公學行允宜嘉尚而祀典甚重務須
查核的確議擬妥當具由取具該縣官吏師
生人等不扶結狀一樣三本作速申詳本府
以憑轉報蒙此行據本縣儒學牒呈據該學

馮少墟集

卷二十一

家乘

世

廩膳生員李坤生等連名呈稱覆查得原任
本縣儒學教諭馮友事實屯留志云馮友長
安人嘉靖十七年以舉人任典浙江文衡造
士有方從此科甲甚盛是以績底行取歷陞
保定府同知山西忻州志云馮友陝西長安
人由舉人嘉靖二十五年任剛毅能幹政尤
恤民陞保定府同知保定府志云馮友陝西
西安府人由舉人嘉靖間任府同儀度魁偉
才力充贍歷任三載綽有政聲等情具呈到

學據此查無違碍等緣由牒呈到縣准此看
得馮友淵汗橫溢縹囊化弘造士經綸粲若
製錦政善宜民初筮留吁而古杭而新興而
上谷所涖之地士慕菁莪民懷召杜載在諸
志可考而鏡也夫士論以久而定非誠有懿
行芳規無以係後思人心以久而真非誠有
深仁厚澤何以鑄覲石宜增光于俎豆用磨
礪于世風取有本縣并儒學官吏師生人等
各不扶結狀一樣三本申詳

馮少墟集

卷二

家乘

世三

本府轉呈

欽差提督學校山西等處提刑按察司副使王

批前事蒙批據申馮宦立身重名節而黜
浮華造士先器識而後文藝行可範俗教善
作人及轉任于名邦益大展其實用愛民如
子視國猶家墾荒田開水渠立義倉葺社學
其澤垂于後者未泯則功加于時者必深口
碑尚存志書有據既經再三行勘無議允應
崇祀以彰旌勸仰府發縣舉行具送入日期

繳帖行本縣奉此隨將馮教官遵照批示于
萬曆三十八年三月初六日造主鼓吹迎送
入本縣名宦祠崇祀訖

先君歿且四十餘年計去也留且七十餘年
矣從吾跼伏深山方以不克顯揚是愧今幸
遇也留令偃師蘭公力扶輿論上書學臺得
祀名宦嗚呼從吾即至不肖聞之寧不知感
爰梓公移藏之家塾雖萬子孫其何敢忘諸
公之誼 不肖男從吾謹跋

馮少墟集

卷二十

家乘

廿四

陝西長安縣鄉賢公移

西安府長安縣為公舉儒哲乞崇祀典以光
幽潛以振風教事奉

本府帖文蒙

欽差提督學校陝西按察司副使洪批據本

府呈據府縣三學廩增附生員焦纘祖邵震
元蕭如蘭馬元善任國珣線純然桑本立張
光裕黃運動等呈稱切照遵先聖之途者開
來學之軌貽不世之庥者崇萬禩之報我

國朝敦尚理學旌予循良生不靳夫褒嘉歿俾
從於俎豆歷稽既往恒必由斯已故原任保
定府同知馮晉長安縣人秀鍾河嶽學本聖
賢素節白心貞一介而弗苟黃堂黌序歷異
地而不忘懽養取諸東修哀思繼以廬墓始
終備矣送母歸而寧後考選之期豈其櫻情
於利祿讓同氣以田產補女兄以粧奩親愛
隆矣念兄嗣而竟回風波之變益徵孳格於
天人造士端模子民流惠賻金必捐於死友

馮少墟集

卷二十

家乘

世五

初廩允難地值有增於貧家歿齒無怨躬耕
樹藝圃疏水自如手書理學詩身心用淑生
平不輕謁刺即門生故吏如姚大叅尚督學
諸公興丹崖翠壁之思知人夙負照乘即緘
幣決科如李之茂李尚智馮典三晉留鑑空
衡平之頌居有守而出有為民誦恩而士誦
德寵旌金幣贊比周程宦蹟載在志乘不可
磨也家學世及子孫豈易能焉人品以久而
真公論以久而定近者豫章延平俱隹從祀

况乎新興上黨確有表章閭里仰其儀刑學
宮允宜崇報伏乞

台慈俯賜張主上光盛典下協輿情明振風
猷默維道脉等情呈府批行長安縣查報聞
又據山西潞安府屯留縣申為公舉異常教
職入祀名宦事等情申府詳批仰長安縣查
議報今據該縣申稱行據該學回稱查得本
縣已故鄉宦原任保定府同知馮公無求於
人有古之道居家族黨稱孝而擯弟沒世士

馮少墟集

卷二十

家乘

共

民為軌而為模三復屯邑移文已得安定蘇
湖之槩再詢斗城輿論益聞彥方君實之詳
不惟績樹晉燕父已追裡於宦地抑且德高
堂紀尤當從祀於鄉邦者也等情到縣據此
該知縣李 覆看得已故鄉宦馮 孝友因

心清直率行養體養志禮不怠於晨昏恤死
恤生愛更洽乎兄弟既藉官以奉母又依母
以忘官一俸不私三族併惠則孝與友之槩
也舌耕自給必全死友之盟醜飯欲塵獨倍

貧田之價既先人以後已又愛已以絕入城
市無心鴻鷗有侶則清與直之概也其居鄉
修姱殆不勝書第就輿人口碑撮其大者如
此夫孝友清直得其一已足維風範世而况
兼有之耶若其歷仕勤事諸勳則又各誌書
載之詳矣屯留俎豆已彰捍禦之功桑梓尸
祝應作明德之主相應申請合候轉達詳示
以本宦與入本省鄉賢祠以光祀典以勵後
人等情申詳到府該本府看得已故鄉宦原

馮少墟集

卷二十

家乘

七

任保定府同知馮公正道正學實心實行清
介持身勵冰蘖之雅操名理訓士期羽翼乎
先傳屯留作人先德行而後文藝希蹤賢聖
學術保定子民急撫字而緩催科比迹龔黃
事業論文若鑑先期決入彀者三人選才如
衡當闡得聯科者四士峻節足凌霄漢謝絕
公門直道不借吹噓耻事請謁廬墓志孝篤
一本之天親分賑恤貧明敦睦之大義若當
考選之際正值親病之時寧舍官以養親不

絕裾以就職尤淡於富貴之念而超乎功名
之場者國為儀刑鄉之師表名宦既建於晉
地鄉賢當進於宮墻相應呈請合候詳示將
本宦准入鄉賢從祀庶幽德有光而輿情允
協矣等因照詳蒙批馮宦政教得士民之心
品凌霄漢孝悌立綱常之本學祖聖賢此真
足樹刑維風者也准入鄉賢祠崇祀繳等因
到府帖行本縣奉此隨將馮宦遵照批示於
萬曆四十二年七月十八日造主鼓吹迎送

馮少墟集

卷二十

家範

廿八

入會城鄉賢祠崇祀說

原任保定府同知馮公行實

一公為諸生時家貧甚設科常開平祠藉束修
以養父母

一教弟子先器識而後文藝故出其門有彬彬
多德行之士

一當補廩會舊者以將貢不欲補曰蓋與吾路
費因共白之督學漁石唐公公曰可乃備十
金將與而舊者物故即作賻儀致之其家人

不知駭而固辭公告之故卒與之
一廩入俱奉父母其父爲製一縑衣曰以酬爾
勞不受還奉其父父不可又奉其伯尤父兄
相讓竟以奉父而已初衣布衣
一寧夏撫臺父聞公名欲延爲西賓以親老辭
厚餽之不受撫臺高其誼檄行學臺獎焉
一爲孝廉仍授徒以養會父與妻相繼逝貧不
能舉葬或有以數十金求居間者公艱然曰
得賄以枉人是非如鬼神天理可

馮少墟集

卷三十

家範

廿九

一父歿哀毀踰禮比葬廬於墓側者三月爲母
老且病不克終三年爲恨

一兩兄相繼物故喪葬俱公備辦兩兄所遺子
女僅數歲公俱鞠育爲婚嫁之

一公有姊三于歸時公尚幼父母以貧故不能
具粧奩公後官保定時嫁伯兄所遺任女奩
甚厚公母太宜人在堂見之喜而泣曰吾女
則無此福也時公季姊尚在公聞母言備粧

奩以遺季姊

一公領鄉薦嘗痛父不待祿養母亦七旬餘矣
遂謁選每晨昏必冠帶問安否朔望必冠帶
夙興再拜床下以爲常俸必奉母母笑曰老
婦持此安歸公曰曷留之以予季姊

一歷任俸薪所入多周族人之貧者至今族人
談之多淚下

一公以屯留學諭典試浙江有伯兄子名江者
偕行至錢塘江舟且覆舟人皆失色公抱侄
哭曰我以公事死耳柰亡子何已而

馮少菴集

卷二十

家範

四

風順幸不死

一宦歸後歲大祲鄉人有以田減直求售者公
曰乘人之急而利其有是歲凶而人又益之
凶也反倍直與之

一寓西南僻鄉明農課子終歲不履城市非公
事不至偃室當路高其誼請鄉飲一再往即
辭不赴

一教諭屯留并典試浙江其所收門人多宦秦
中如姚畫溪太參尚仰山學憲諸公至公避

不先往諸公多至庄公具雞黍待之其高率
如此

一在屯留躬勤講課如諸生時而以澹泊馴謹
身示之範得高足弟子李之茂李尚智馮典
歲庚子有浙江之行乃留三幣於主司訓所
謂爲三生賀人皆咲之已而三生皆得雋一
時傳爲奇事

一屯留行取後因送母至蒲坂渡河稽留途次
比至京考已竣事有勸公以萌廷重才公曰

馮少墟集

卷二

家集

望

京秩豈足多哉吾愛吾鼎故止待守山西岢

嵐州云

一岢嵐地稱極邊寇時闌入公築城濬濠嚴保
甲修武備寇聞風遁去當路重其才調繁忻

州

一忻州有二土豪健訟聞公至一夕各携妻孥
竄去里人至釀酒相賀俗喜訟逋賦公力爲
化懲久之訟息賦完兩臺交薦爲三晉治行

第一

一在忻州承委修大同邊垣拮据塞外者一年
餘工竣曾翁二中丞特薦于外朝 賜白金
文綺加四品俸尋擢保定丞今 賜白
一保定為京師股肱郡俗風豪健往往禦人國
門為行李梗公濬溝渠樹林木設兵甲嚴巡
緝躬為稽考道路以肅

一在保定屢膺薦剡聲重一時時分宜柄國其
僕嚴年為一內相事以侍教生刺來囑公見
刺不平答其人竟置之法年行甚因以主翁

馮少墟集

卷三十一

宋由

三

意睽鹽院某論歸嘗是時分宜勢焰熇灼縉
紳稱年為鶴山先生多借年交分宜歡以通
刺為榮而公獨不少徇人皆以拙宦誚之不
恤也

此余邑侯汶上李公所纂先君行實用以呈
府道者也一字一句皆公手裁讀未終篇感
激泣下蓋先君捐館舍有年今辱表章獲祀
馨宗嗚呼先君歿且不朽矣從吾不肖謹稽
首為跋以付梓人 不肖男從吾謹識

